

من تاني؟!!

من تاني حتمشي المشاوير
الضلمه المعجونه بهموم القهر
والخطوة إللي بترجع
وتأخر من عمرك دهر؟
من تاني؟!!

هاتلبس قفاطين الغربه البردانه
وتعيش من تاني ماتلمش بإنك إنسان
وتلف رقبتك بالحبل المعقود في السكه
الضلمه اللي مافيها رجوع
ويغموا عنيك المقفوله علي حلم قديم
وتحسس في الهو ماتلقي غير عمرك
معجونفي الطين
وكلاب بتقطع في سنيك
وتهد إللي بنيته سنين
وتغني الغنوه المكتومه

علي ناي مكسور

الحلم .. الغربه .. كابوس .. الضلمه

ويااااااااااااه

وخضوع .. وركوع .. ودموع .. وضياع

وتحس بانك.....متباغ !!

كسر في حيطان الغربه

اصرخ يا جبان

قطع قفاطين الذل البردانه

وارميها من اعلي مكان

واصرخ يا جبان

.....يمكن من تاني تحس

.....وجايز.....ترجع ..إنسان؟